

INTERVISTA A...

**MASTRO MICHELE
COSTRUTTORE DI BARCHE**

Martedì 3 dicembre noi alunni delle classi 2^a E e 3^o E siamo andati ad intervistare mastro Michele, un costruttore di barche di Bonagia.

Arrivati nella sua bottega, ci ha mostrato una barca in legno lunga 3,30 m. e del peso di 250 kg., quasi pronta, e ci ha mostrato le varie parti che la compongono. Quindi gli abbiamo rivolto le seguenti domande:

Da quanti anni svolge questa attività e chi le ha insegnato questo mestiere?


Ho iniziato questo mestiere all'età di undici anni; era un lavoro che si tramandava di padre in figlio, e gli anziani ne erano molto gelosi.

In che cosa consiste questo lavoro, e quali difficoltà presenta?

Consiste nella costruzione di barche e, se ci si sa fare, non presenta difficoltà particolari.

Quali sono gli arnesi tipici del suo lavoro?

I più comuni sono: martello, ascia, scalpello da taglio, tenaglia, chiodi, morse; inoltre, uso diluenti e vernici sintetiche, mentre prima si usavano le vernici ad olio e si metteva sotto la chiglia la pece, che oggi però è poco usata; inoltre, è importante usare legni pregiati, come gelso, rovere, olmo, pino marino.





È un lavoro diffuso, il suo?

Dapprima c'erano parecchi artigiani che svolgevano questo lavoro; oggi soltanto una quindicina. Attualmente, questo tipo di artigianato è meno richiesto, in quanto si adopera molto vetroresina e non si costruiscono più velieri. La mia famiglia ne possedeva tre, e i cugini di mio padre ne possedevano parecchi.

Quante ore lavora? Le dà soddisfazioni, il suo lavoro?

Per me, il lavoro è un passatempo e una passione. Infatti, pur essendo stato imbarcato per diversi anni sulla «Costa passeggeri», ho preferito ritornare a fare il lavoro che facevo da ragazzo.

Mastro Michele, infine, ci ha mostrato un veliero in miniatura che lui stesso sta realizzando, e ci ha raccontato alcuni episodi legati al suo lavoro.

2^a E - 3^a E

C'ERA UNA VOLTA

'U PUZZARU

'U puzzaru, così veniva indicato in paese chi esercitava un mestiere antico tramandato da padre in figlio e che sicuramente noi non tranderemo ai nostri, oggi è un personaggio del tutto scomparso.

Chiacchierando con il signor Vito Mazzara, che gentilmente ci ha ricevuti nella sua casa per raccontarci *cunti*, siamo rimasti sorpresi nell'apprendere che egli, oltre a fare l'agricoltore, si intendeva anche di *puzza*.

«Parecchi anni or sono ne ho costruiti diversi – dice – per familiari ed amici, ma da tempo ormai ho deposto gli arnesi».

Sollecitato da noi ragazzi, il signor Mazzara, continuando nel suo monologo ci ha descritto le varie fasi della costruzione *di lu puzzu a campana*, che qui di seguito riportiamo.

'U puzzaru, dopo aver tracciato il diametro, lavorava *cu picu e zappa* per due settimane, assieme ad altre due o tre persone. Estraevo il materiale lavorando con una carrucola e un ponte di legno. L'uomo che era sotto riempiva di terra *a cardarella*, un altro, che era fuori, tirava la corda; un altro, infine, la buttava a 20 metri di distanza.

Trovata l'acqua a cinque, sei oppure otto metri di profondità, si incominciava a murare tutt'intorno con le pietre. Fino a metà si proseguiva diritti e via via si chiudeva *a campana*, cioè si mettevano le pietre a stringere fino ad arrivare ad un diametro di un metro. Intorno alla bocca del pozzo si mettevano *cantuna* ed infine il coperchio di ferro.

Quando non si trovava l'acqua sorgiva, si *vutava un sulcu* di acqua piovana, che serviva per bere.



'U SCARPARU

Decenni addietro, da noi, non vi erano molte industrie, per cui molte cose venivano prodotte manualmente. Le scarpe, ad esempio, non si compravano nei negozi ma venivano fatte a mano.

Colui che aveva bisogno di uno o più paia di scarpe comprava il cuoio e chiamava *'u scarparu*. L'artigiano andava a casa di costui, e gli domandava in che modo volesse realizzate le scarpe. Stabilito il modello, il colore, la misura, l'artigiano si metteva all'opera.

Il mestiere dello *scarparu* non consisteva soltanto nel fare le scarpe, ma anche nel ripararle.

Non vi era un tempo ben preciso per ultimare il prodotto. Se occorreva più di un giorno, il lavoratore andava a passare la notte a casa propria e il giorno dopo, di buon mattino, ritornava a casa del cliente per continuare a *travagghiari*. Questo, se la distanza fra la sua casa e quella dell'acquirente era poca. Se, invece, la distanza era notevole, *'u scarparu* veniva ospitato nella casa del cliente, e quindi gli venivano offerti vino e alloggio.



Questo artigiano si serviva di alcuni arnesi che adesso elencherò: una lesina, un punteruolo, un marcapunti, un trincetto, una liscia, un martello, una raspa, una tenaglia per occhielli, un punzone, un bussetto, un bisegolo, un piede di ferro, una forma, un tiraforma. Inoltre utilizzava: chiodi, colla, ago e spago.

Oggi come oggi, questo non è un mestiere molto praticato, e quei pochi che lo esercitano ancora sono persone di una certa età, che si curano soltanto di riparare le scarpe.

Perché?

Perché ormai si preferisce comprare le scarpe prodotte dalle industrie, giacché sono più convenienti.

GIOVANNI SIMONTE (3^a D)

DAI RICORDI DEI NONNI...

CUNTI

'A VIRTÙ

Un picciottu chi pasculava 'i pecuri un jornu vitti un cispugghiu chi bruciava, s'avvicinau e 'ntisi un fiscu. 'N mezzu 'i vampi cc'era 'nna visina chi stava murennu arrustuta; allura, iddu pigghiau 'nna virga e cci la purgiu pi sarvarla. Appena sarva, 'a visina circau di muzzicallu e 'u picciottu cci rissi: «Comu, jò ti sarvaj e tu mi vòi ammazzari?» 'A visina, capènnulu, si firmau e 'u purtau 'n casa di so' patri e cci cuntau di comu 'u picciottu cc'avia sarvatu 'a vita. 'U patri dd' 'a visina, riconuscenti, cci vosi fari un ricalu e cci retti 'a virtù di cumprènniri tutti l'armali.

Un jornu, 'stu picciottu pasculava 'i pecuri e 'ntisi ddu corva supra 'nna rocca chi dicianu: «Si 'stu picciottu scavassi cca sutta, addivintassi riccu». Appena sinn'eru 'i corva, iddu accuminciau a scavari e attruvau 'nna pocu di sacchi di muniti dd'oru. Allura si vinniu tuttu chiddu chi pussirìa, puru 'i pecuri, s'accattau un cavaddu, u' sciccareddu, un beddu villinu, si fici zitu e si maritau.

Un jornu 'u maritu cci rissi a la mughieri: «Emu a fari 'nna gita 'n muntagna». Ddui o tri passi e 'u cavaddu chi purtava 'u patruni arrivau 'n capu a' muntagna, mentri 'a jmenta ancora 'unn'arrivava. 'U cavaddu cci rissi a la jmenta: «Ancora ddocu siti?». «Viatri siti ddui e aviti quattro âmmi, niatri semu quattra e avemu quattra âmmi».

'U patruni, chi avia 'ntisu tuttu 'u riscursu, si misi a rìriri e quanu 'a muggieri cc' addumannau picchì rirìa cc' arrispunniu chi 'un ci lu putìa rirì masinnò murìa. 'A muggieri continuau a 'nsistiri, allura iddu cc' arrispunniu: «Turnamu n'arré, scavamu un fossu, mi curcu e ti lu ricu, accussì moru 'n casa». Accussì fíciru. 'U attu chiancia picchì avia a moriri 'u patruni e iddu cci rissi a sso' muggieri: «runacci anticchia ddi pani; 'un lu senti 'u attu chi chianci?».

'U attu 'un si lu manciau. Doppu anticchia passau un gaddu e si lu manciau iddu. 'U attu cc' addumannau: «'Unn'hai pena chi sta murennu 'u patruni?», e 'u addu cc' arrispunniu: «Jò haiu tanti muggieri e li tegnu tutti sutta 'u mazzettu, e iddu cu una 'un c'arrinesci». 'U patruni, sintennu stu riscursu, pigghiau 'u nervu e l'ammazzau.

'U MACU FÀUSU

Cc'era 'nna vota un picciriddu di nome Affiu chi fu abbannunatu quann'era ancora nicu.


'Stu picciriddu cu passari ddu tempu 'ncontra 'nna picciotta di nomi Nofia. Si ficiru ziti e 'n tempu di nenti si maritaru.

Doppu qualche tempu si sparteru. Affiu ju nna 'nn'avvucatu, chi cci cunsigghiau, pi risolviri i so' problemi, di jri a scola ddi magia p'insignarisi a leggiri 'u futuru.

Un jornu caminannu nnon voscu 'ncuntrau un cristianu chi vulia acchianari 'n capu nna rama e cci rissi: «Unn'acchianari picchè si sta stuccannu».

Doppu qualchi minutu 'a rama cariu. 'U cristianu, allura, cc' addumannau si sapia abbisari tutti cosi e dicennucci iddu ddi sì, cc' addumannau quantu putia campari ancora. Affiu cc' arrispunniu: «Tri anni».

Allura 'u cristianu pinsau chi nna 'sti tri anni si putia manciari tuttu chiddu chi vulia. Passaru tri anni e ancora 'un muria. Un jornu 'ncuntrau arré 'u picciottu e cci rissi chi ancora 'unn'avìa mortu e vulia sapiri quannu avia a mòriri. Chiddu cc' arrispunniu chi putia campari pi 'nn'autri tri anni. 'U cristianu, cuntentu, pinsau chi ora putia manciari pi 'nn'autri tri anni. Puru 'sti tri anni passaru ed era ancora vivu. Allura continuau a manciari e morsi pi lu troppu manciari.



'A PIGNATA DD'ORU

Un patri avìa tri figghi masculi. Doppu chi li maritau 'un ni lutaliaru cchiù. Un jornu 'ncuntrau a sso' cumpari, chi cc' addumannau comu stava e iddu cc' arrispunniu: «Ah, cumpari meu, 'unn'haiu nenti di manciari».

«E li vostri figghioli?».

«I me' figghi 'un vennu cchiù a truvarimi, picchè sannu chi nni mia 'unn' attrovanu nenti».

«Vi lu ricu jò comu aviti a fari: accattati 'nna pignata, cci cucinati tri, quattru cosi e 'a mascariati, poi la inchiti china china ddi merda e 'a chiuriti cun cuverchiu e 'a sardati. Quannu è pronta mi viniti a chiamari».

'U patri fici comu cci rissi 'u cumpari e appena 'a pignata fu pronta 'u mannau a chiamari. Chiddu pi la strata 'ncuntrau a sso' fighiozzu e cc' addumannau picchè 'un c' ja mai a truvari a sso' patri e cci rissi: «Scimunitu, to' patri avi 'nna pignata dd'oru ammucciata sutt'a u letto; si tu lu tratti bbonu iddu la lassa a ttia». 'A stessa cosa cci cuntau puru a l'autri figghi.

Di ddu jornu 'n poi tutti li figghi si sciarriavanu pi cu' avìa a serviri o patri. E quannu morsi, 'nveci dd'jri appressu a' carrozza, eru a circari 'a pignata. Appena l'attruvaru, però, un sapiantu comu si l'avìanu a spàrtiri.

Passa di dda un palermitanu, e facennu finta chi vulìa aiutarli a spàrtiri l'oru, cc' arrubbau 'a pignata, nenti sapennu ch'era china ddi mérda.



'A FURTUNA

C'erano 'nna vota ddu' cumpari, unu riccu e unu poviru. Un joru chiddu poviru ju 'n casa di chiddu riccu, cc' addumannau 'nn'anticchia ddi furmentu pi manciari e si sintiu arrispunniri: «Eh, cumpari meu, 'un ti pozzu aiutari». Allura, dispiratu, acchianau supra 'nna muntagna e principiau a vuciari: «Furtuna mia! Furtuna mia, 'unni si?».

'A Furtuna s'affacciau e cci rissi: «Soccu vòi dda Furtuna?».

«Haiu 'i picciriddi mei addiuni, e 'un sacciu comu haiu a fari».

Idda cc' arrispunnu: «Ma si jò ti rugnu 'a furtuna, tu si capaci ddi manténila? Picchì 'a furtuna passa 'nna vota nna la vita».

'U poviru rissi di sì. Allura 'a Furtuna cci retti 'nna mappinedda, chi bastava chi iddu ricia soccu vulia e l'avìa: si vulia pasta a broru, avìa pasta a broru; si vulia pasta asciutta, avìa pasta asciutta; si vulia pani, avìa pani. Iddu cuntentu ricìa: «Sugnu riccu, oramai sugnu a postu, ch'è bellu!».

Fischianu e cantannu, passau ddu cummentu. Dda cu' scupava 'a casa, cu' facìa e dicìa, cu' manciava e vivìa. Virènnulu accussì allèchiru, un monacu cc' addumannau soccu avìa e iddu, tuttu cuntentu, cci cuntau 'u fattu dda mappinedda. 'U puvireddu si nni vulia jri subbitu 'n casa, ma 'u monacu cci rissi: «Assettati ccà, prima manciamu e poi ti nni vai».

Mentri manciavanu, ci canciaru 'a mappinedda chi avìa 'n sacchetta cu 'nn'autra.

Arrivatu 'n casa, addumannau e' picciriddi soccu vulianu manciari. Ju pi scutulari 'a mappinedda e 'un ci nisciù nenti. Allura, dispiratu, turnau 'n capu 'a muntagna e chiamau 'a Furtuna. 'Sta vota 'a Furtuna un c' arrispunnu subbitu ma doppu un pezzu, e 'u poviru cci cuntau 'u fattu chi 'a mappinedda 'un ci rava nenti.

'A Furtuna cci vosi rari 'n'autra possibilità, e cci retti u' sceccu cacarinari. 'U poviru era ancora chiù cuntentu ddi prima e ja cantanu e fischiannu. Passau arré ddu cummentu, e cci cuntau e' monachi ddu sceccu. I monachi cci rissiru: «Attacca 'u sceccu nna la manciatura, nn'assittamu, manciamu e poi ti nni vai».

Mentri manciavanu, però, un monacu cci canciau 'u sceccu. Arrivatu 'n casa, 'u poviru chiamau a sso' muggheri, e' picciriddi e cci rissi di pigghiari un linzolu novu e pulitu e ddi mettilu sutta 'u sceccu. L'armaleddu jccau 'nna botta, e 'un ci nisciù nenti; doppu 'n'autra, e

fici 'nna gran cacata, allurdannu tuttu 'u linzolu. 'A mugghieri, arrabbiata, l'assicutau dicennucci chi pallannu sempi ddi rana e così ddi manciari cci facia véniri ancora echiù pitittu.

'U puvireddu, 'un sapennu soccu fari, acchianau arré 'n capu 'a muntagna e chiamau 'a Furtuna. Idda, prima, 'un cc' arrispunniu, poi si stancau di sentilu vuciari e cci rissi: «Ma chi vòi ddi la Furtuna, si tu 'unni la sai mantèniri. Ascuta: quannu tinn'ivi ddi ccà, ivi direttamenti 'n casa o passavi di qualchi banna?».

Iddu cci cuntau comu avianu jutu 'i fatti e 'a Furtuna cci rissi: «Ora capivi soccu successi; foru 'i monachi chi ti futteru. Sentimi, ora: ti rugnu 'sta buttigghia ddi vinu, va' nne' monachi comu sempi, manci e poi cci runi a viviri 'stu vinu. Prima fa viviri a iddi e poi vivi tu. Poi, quannu hannu vivutu tutti, pigghi 'u patri superiori e cci stocchi 'i spadḍi cu nervu finu a quannu 'un ti rici dunni su' a to' mappinedda e 'u sceccu cacarinari».

'U poviru fici accussì, comu cc'avia rittu 'a Furtuna, e 'sta vota arricchiu pi veru.

'U cumpari riccu vułja sapiri dunni avia pigghiatu tutti 'sti sordi e iddu cci rissi: «'A viri dda muntagna? Acchiana, e arrivatu davanti 'nna rupi, rici: Ràpiti, rupi, e dintra attrovi sacchi ddi munita dd'oru».

'U cumpari riccu cc' ju subbitu. So' cumpari, però, 'un c' avia rittu chi tuccannu 'i sacchi 'a rupi si chiuria e accussì arristau 'ncagghiatu dda rintra. Doppu un pezzu, arrivaru 'i briganti – chi eranu 'i patruna ddi sacchi – e truvannulu dda cci tagghiaru 'a testa e l'appizzaru fora.

Doppu un pocu, 'a mogghi, prioccupata picchì 'u maritu 'unn'avia arrivatu, ju a' ddumanarri o' cumpari, e accussì acchianau puru idda 'n capu 'a muntagna, e scopriu chi sso' maritu avia murutu. Chiancennu turnau nno cumpari, ricennucci: «Ch'aviti cumminatu?».

E iddu cc' arrispunniu: «E quannu 'i me picciridḍi murianu ddi fami, viatri chi facistivu?».



Casolare della
campagna
valdericina

L'AVVENTURI DI BELLIMESI

Cc'era 'nna vota 'nna cristiana chi 'nna notte cci vinni 'n sonnu 'u Signuri e cci rissi chi cci rava 'a razzia dd'aviri un figghiu, ma chi all'età ddi riciottu anni chistu avia a mòrirri. 'A matri accittau 'u stessu. Fu accussi chi doppu novi misi parturiu 'stu figghiu tantu disiatu. Sapennu chi a diciott'anni avia a mòrirri, ogni tantu chiancia e lu figghiu virennu la matri chiànciri ci ricìa: «Chi hai, mamà?», e la matri cc'arrispuccia chi 'unn'avìa nenti.

Quannu accuminciaru a' avvicinarisi li riciott'anni, la matri cci cuntau a sso' figghiu chiddu c'avìa successu e chi era pi 'stu motivu chi ogni tantu chiancia. Allura lu figghiu cci rissi: «Sai soccu facemu? Sinn'emu luntanu ddi ccà».

'U figghiu era un granni spataccinu, e accussi sinn'eru nnon boscu, nna 'nna casa abbannunata, dunni cc' abbitavanu delinquenti. Iddu l'ammazzau tutti e li misi rintra 'nna fossa; ma unu ddi chisti avìa arristatu vivu. La matri, appena lu figghiu s'ju a curcari, ju a talia-ri nna la fossa e vitti un cristianu mezzu firitu, e cci resi soccorsu p' un misi, tinennulu ammucciato rintra 'nna stanza cchiù riservata.

Nna 'stu misi, tutti rui s'innamuraru, tinennulu sicritu tra iddi. La matri ricìa: «Si jò 'unn 'avissi 'stu figghiu!». E l'autru: «Tutti dui stassimu bboni».

Allura iđđa cci cuntau a lu so' amanti chi lu figghiu era distinatu a mòrirri all'età ddi riciott'anni. Tutti rui pinsaru chi prestu avìa a mòrirri, tantu valia fallu mòrirri prima.

'N facci a casa runni stavanu, cc'era un jardinu cu pira veru spicciali, ma 'u patruni era un macu, chi appena virìa un cristianu l'ammazzava. Cei rissiru o picciottu dd'iri a cògghiri 'sti pira. Iddu, pi strata, 'ncuntrau tri damiggelli, chi cci rissiru di vardàrisi e di 'un talia-ri 'n terra; accussi si sarvau e turnau 'n casa cu 'i pira. 'A matri, virènnulu turnari, addumannau o zitu si cc'era 'n'atra manera pi fallu mòrirri, e iddu cci rissi chi cc'era un puzzu, chi bastava taliàricci rintra chi si cci caria. 'A matri, allura, mannau 'u figghiu a pigghiari l'acqua nna 'stu puzzu, ricennuci chi 'un ci nn'era megghiu. Iddu, pi strata, 'ncuntrau arré 'i tri damiggelli, chi cci rissiru di 'un taliari rintra 'u puzzu. 'U picciottu pigghiau l'acqua senza taliari e cci la purtau a la matri sanu e sarvu. Idda, allura, dispirata, ju nno zitu e cci cuntau 'u fattu.

'Ntantu, fora dda casa, 'u figghiu 'ncontra 'i tri damiggelli, chi cci ricinu: «Si tto' matri ti rici ddi fari un jocu, e tu nna 'stu jocu avissi a moriri, niatri ti ricalamu 'stu sceccu cu 'sti ddu' bisacci, ddi modu chi

appena mori ti fai tagghiari in dui e ti fai mettiri rintra 'sti bisacci, e vai dunni ti porta 'u sceccu».

'A sira, 'a matri cci rissi chi avianu a fari un jocu e chi iddu s'avia 'attuppari l'occhi. Appena si l'attuppau, 'u briganti pigghiau 'a sciabula, lu tagghiau 'n dui, lu misi nna li rui bisacci e fici jri 'u sceccu. 'U sceccu 'u purtau nne' tri damiggelli, chi lu sardaru e lu ficiru campani arré. Iddu li ringrazziau, turnau 'n casa e ammazzau 'a matri e 'u briganti, e finalmenti fu libberu e decisi di partiri.

Arrivau nonn paisi, e s'ju a mettiri a disposizzioni ddu Re, chi 'u chiamau Bellimesi.

'Stu Re avia tri figghi fimmini e la cchiù nica s'innamurau d'iddu e cci facia tanti ricali. 'U Re avia a maritari 'sti tri figghi, e usavanu 'stu sistema: iddi taliavanu tutti i picciotti chi passavanu ddi sutta 'a finestra; appena passava unu chi cci piacia, cci jttavanu un fazzulettu biancu e si lu maritavanu. Di 'sta manera, si maritaru 'i primi rui.

Un jornu, Bellimesi addumannau a un cammareri picchì a la cchiù nica ddi li figghi 'un ci piacia nuddu, e chiddu cc'arrispunnu: «Picchì 'un ci passi tu?».

Accussì fici. La Rigginotta cc' jttau 'u fazzulettu biancu e si maritaru.

'I soru 'miriusi la disprizzavanu, e un jornu 'u Re preoccupatu ddi mòriri 'un sapia a ccu avia a dari 'a curuna, e decisi ddi fari tri gari e ddi ralla a cu' li vincia.

Bellimesi era un gran spataccinu, ma 'un vulia participari, picchì avia u' sceccu e no un cavaddu. 'A Rigginotta 'u cumminciu, 'u sceccu addivintau cavaddu e Bellimesi vinciu 'a gara. L'autri rui participantu 'un sapennu ch' era Bellimesi 'u vincituri, cc'erau e cci rissiru: «Si nni runi la banneru chi vincisti, ti ricumpinsamu cu tanti muniti dd'oru».

Bellimesi accittau. Però o postu ddi l'oru, si fici rari 'n aneddu e un pezzu dd' un peri.

La sicunna gara cunsistia nna 'na caccia. Bellimesi vinciu puru chista. L'autri rui ci rissiru: «Si nni runi 'a to' caccia, ti ricumpinsamu cu tanti muniti dd'oru».

Iddu accittau, ma comu ricompensa vosi un pezzu ddi natica e un pezzu ddi carni ddi lu peri.

La terza prova la vincia cu' purtava 'a mogghi vistuta megghiu. Fu Bellimesi a pertari 'a mogghi cchiù bedda. Ma 'u Re rissi chi 'a gara l'avia vincitu 'u maritu di la figghia cchiù granni, picchì avia vincitu l'autri ddu' provi. Allura Bellimesi rissi: «No, sugnu jö, 'u vincituri, e haiu 'i provi», e cci fici viriri 'u pezzu ddi peri e ddi natica chi avia ricivutu 'n canciu. E fu accussì chi Bellimesi addivintau Re.

'U CUNSIGGHIU

Cc'era 'nna vota 'na sposina. Doppu se' misi maritata, so' maritu l'attimpau e sinn'ju luntanu. Stesi 'mpiecatu trent'anni nna 'nn'avvocatu. Doppu trent'anni, cci rissi chi vulia turnari 'n casa pi viriri ddi novu a sso' mogghi e sapiri soccu avia fattu nna 'stu tempu.

L'avvocatu, comu bon'uscita, cci retti triccentu unzi. Caminannu caminannu, pinsau chi stannu trent'anni nna l'avvocatu 'un s'avìa fattu rari un cunsigghiu. Turnau narré pi farisillu rari, e iddu cci rissi chi cc' avia a dari centu unzi. Cci li retti e l'avvucatu cci rissi: «Cu cànchia la via vecchia pi la nova, li vâi chi va circannu tutti li trova».

Iddu si pigghiau 'stu cunsigghiu e sinn'ju, poi cci pinsau e turnau narré e cci rissi all'avvocatu chi 'stu cunsigghiu 'un c' abbastava. L'avvocatu cc' arrispunniu: «Prestu a sèntiri e tardu a rispunniri».

Sinn'ju arré. Camminava e pinzava: «Mi fazzu rari 'n'autru cunsigghiu».

Stavota l'avvocatu cci rissi: «Penza 'nna cosa anzi chi la fai, picchè la cosa pinzata è bbona assai». Poi: «Scura ccà e dumani ti nni vai».

L'avvocatu fici fari se' vasteddu, cincu normali e una signata, e cci rissi: «Chista, quannu arrivi 'n casa: si trovi alliria, la rumpi e ti la manci cu la famigghia, s' un trovi alliria, torni e 'a porti sana».

Caminannu 'ncontra lu zacariddu, chi cci rissi: «Talìa, amicu, pigghiamu di ccà, chi accurzamu».

Iddu, allura, pinzau chi 'u patruni cc' avia rittu: «Cu' cancia la via vecchia pi la nova, li vâi chi va circannu tutti li trova», e continuau pi la strata longa. 'U zacariddu, 'nveci, 'ncuntrau li latri, chi l'arrubbaru.

Camina camina, si fici notti e vitti 'nna luci 'n mezzu 'nna montagna, chi vinìa ddi 'nna rutta. Rintra, cc'eranu briganti chi avianu armali scannati e iddu cc' addumannau si putia scurari dda. Intantu, li sintià pallari; ma iddu pinsava: «Prestu a sentiri e tardu a rispunniri». Infatti, doppu, passau un cristianu, e siccomu pallava assai, i briganti cci tagghiaru 'a testa.

Si fici matina e continuau a so' strata finu a quannu arrivau o so' paisi. Mentre s'avvicinava, vitti un parrinu chi niscia ddi la so' casa, e pinzau chi sso' muggheri stava cu chistu. Allura, cc' iu a la scurata, e cc' addumannau a sso' muggheri si lu facia scurari 'nna notti. Iddu cc' arrispunniu: «S'assittassi cca, e quannu veni 'u parrinu viremu».

Quannu arrivau 'u parrinu, idda priparaou 'a cena e manciaru. Intantu, iddu la scuncicava pi falla pallari, e idda cci cuntau chi doppu se' misi maritata avia arristatu 'ncinta e siccomu so' maritu si nn'avia jutu l'aiutaru li parenti. 'Stu figghiu, poi, addivintau parrinu.

Allura iddu si fici ricanusciri, spaccaru a vastedda signata, cci truvarenu triccentu unzi, e camparu filici e cumenti.



I MONACHI SPERTI

Cc'era 'nna vota unu chi avìa a vinniri un porcu. Siccomu i monachi su' vastasi, si misiru unu nna 'nna punta e l'autru 'nna 'nn'atra, e cci rissiru: «Unni stai ennu?».

«A vinniri 'u porcu», arrispunniu iddu.

E chiddi, chi s'avianu misu d'accordu: «Chistu è sceccu, no porcu»; e ficiru 'nna scummissa; 'u monacu addumannau a sso' cumpari, e ddu puvureddu persi 'a scummissa e 'u porcu.

Allura si visti ri simmina, si purtau un nervu e s'inniu 'n chesa a priari. Scurau, e stava sempi idda; allura i monachi cci rissiru: «Signura, niatri 'a chesa l'avemu a chiuriri».

Idda arrispunniu: «Mi sciarriavi cu mme' maritu e 'n casa 'un ci pozzu turnari».

«Ma, signura mia, lei un pò scurari 'n chesa. Però cci putemu addumannari on parrinu, e viremu chi dici». Accussì ficiru, e 'u parrinu cci rissi chi putia scurari nno lettu cu iddu. A signura arrispunniu che si vulia cucciari cu patri superiori, ma a condizzioni chi cc' avia a dari tutti i chiavi ddi li stanzi ddi li monachi.

Quannu era ura chi 'a signura s'avìa a spugghiari, idda nisciù 'u nervu e accuminciau a dari nirvati, ricennu: «Era sceccu o porcu?». Poi vosi purtatru mezzu porcu e ddu' mula carrichi di farina, e s'inn'ju.



'A SIRENA DDI LU MARI

Un picciriddu ddi cincu o se' anni virìa a sso' patri chi ja a vinniri pisci e cci vulìa iri puru iddu. 'U patri cci ricà ch' era ancora nicu, ma un jornu si cunvinciu e cci retti quattru o cincu chila ddi pisci, pi vinnili. Passau sutta 'u palazzu riali abbanniannu: «Pisci, pisci vivi, haiu».

S'affacciau 'a Rigginotta, lu vitti e cci parsi un beddu picciriddu; allura lu chiamau e cc' accattau tutti 'i pisci e cci retti 'u duppiu ddi quantu iddu cc'avìa addumannatu. Quannu turnau 'n casa, 'u patri fu cuntentu. L'innumanì cc'ju arré, e 'a Rigginotta cci rissi chi vulìa pallari cu' sso' patri, picchì cc'avissi piaciutu avillu rintra 'u so' palazzu; accussi s'incontraru e si misiru d'accordu.

'A Rigginotta vulìa chi ogni matina cci purtava un mazzu ddi ciuri frischi. Intantu, 'stu picciottu ja criscennu e tutti 'i cammareri s'aggilusìavanu e diciānu chi l'avianu a fari scumpariri. Pinzaru ddi diricci si sapia livari 'nna coperta ddi supra 'a tavula china ddi campani senza fari serusciu, entrù l'indomani. Iddu allura addumannau aiutu a 'nna sirena ddi lu mari ch' era so' parrina; la chiamau, e idda cci rissi ddi pigghiari un pocu ddi mèttula e ddi attuppari tutti li campaneddu, ddi mettili rintra un tiluni e ddi pertalli o Re.


I cammareri, virennu chistu, s'aggilusìavanu ancora cchiossai. Passau un pocu ddi tempu e cci nni sturiarù 'n'autra. Cc' addumanna-ru si era capaci dd'iri a vardari centu cunigghia p'un misi 'n capu 'nna muntagna; si cc' arriniscia, si maritava 'a Rigginotta, ma si 'un cc' arri-niscia, cci tagghiavano 'a testa. Iddi eranu sicuri chi 'un cc' arriniscia, picchì li cunigghia avissiru pigghiati unu di cca e unu di dda. Lu picciottu ju arré 'a dumannari aiutu a la sirena ddi lu mari e idda cci retti un fiscalettu dicennucci chi ogni vota chi lu sunava tutti li cunigghia cc' avissiru jutu 'ntunnu.

Ogni simana, 'u Re cci mannava un cammareri pi vîriri si era a postu, e chistu cc'invintau chi 'a Rigginotta stava mali e cci vulìa un cunigghiu. Allura iddu pinzau chi accussi cci n'artistavanu novantanoi e 'un si putìa maritari echiù 'a Rigginotta. Cci rissi o cammareri chi cci lu rava, un cunigghiu, ma 'u cammareri cc' avia a dari centu unzi e s'avìa a fari dari centu nirvati. 'U cammareri accittau, si misi 'u cunigghiu rintra 'u saccu e partiu. Doppu un pocu, 'u picciottu sunau 'u fiscalettu e 'u cunigghiu turnau narré.

Doppu un misi, successi 'a stessa cosa cu 'nn'autru cammareri. Poi arré c' un terzu, e un jornu cc'ju 'u Re 'n persona, sicuru d'arrinè-

sciri a farisi rari un cunigghiu. 'U Re cci cuntau puru chi 'a Rigginotta era malata e cci vulia un cunigghiu, e 'u picciottu, comu avia fattu già chi cammareri, cci rissi chi cci lu rava si iddu, 'u Re, si facia rari tricentu nirvati e cci rava triccentu unzi. 'U Re accittau ddi farisi rari 'i nirvati, pinzannu: «Jò mi pigghiu li nirvati, ma tu appena torni hai la testa tagghiata». Ma 'u picciottu, appena 'u Re s'alluntanau, friscau e 'u cunigghiu turnau narré.

Accussì, all'èbbica stabilita, si prisintau cu centu cunigghia e superau 'a prova. A Rigginotta cci vulia sempi cchiù beni, e l'autri era nu sempi cchiù 'miriusi. Allura cci rissiru o Re chi iddu era capaci dd'inchiri un saccu di paroli. Iddu, dispiratu, ju a 'dumannari cunsigghiu a sso' parrina, 'a sirena ddù mari. Turnau nno Re e cci rici d'invitari tutti 'i rignanti ddi li paesi vicini, pi fàricci a bbiriri comu iddu era capaci dd'inchiri un saccu ddi paroli. Mentre li rignanti tinianu 'u saccu, iddu lu jnchìa cuntannu la so' storia. Accumineiau ddi quannu era picciriddu e vinnia pisci, poi cuntau dda coperta chì campani, poi la storia ddi cunigghia; e arrivau a quannu 'u Re cc' avia jutu a 'dumanari un cunigghiu, e a 'stu puntu iddu lu firmau dicennu: «Basta accussì, s'inchiu 'u saccu».



L'INNUCCENZA

Cc'era 'nna vota un picciottu c'avia 'nna matri chi ogni vota chi lu mannava a pigghiari 'n'anticchia ddi ligna iddu cc'arrispunnia: «Si... ora ti portu 'u voscu cca». Quannu lu mannava a pigghiari l'acqua, iddu cc' arrispunnia: «Si, ora ti portu 'u puzzu cca».

Un jornu, 'stu picciottu ju nnon voscu a cògghiri funci e 'ncuntrau a ddu' damiggelli curcati chi durmianu e cci arrivava 'u suli 'n facci. Iddu cci fici un paraventu, si curcau allatu a iddi e li 'ntisi chi diciamu chi iddu putia aviri soccu vulia.

Un jornu, mentri turnava dd' iri a pigghiari ligna, passau davanti 'nna casa dunneddu cci stava 'nna Rigginotta, e iddu cci rissi chi doppu novi misi cci nascia un picciriddu. Passaru novi misi, e 'a Rigginotta appi un picciriddu, ma siccomu 'un si sapia cu' era 'u patri, 'u Re decisi chi chiddu a cu' 'u picciriddu rava un pumu avissi statu so' patri. Cc'eranu tanti pritinnenti, ma 'u picciriddu 'u pumu 'unn' 'u rava a nuddu; finu a quannu 'un passau di dda Giosué – accussi si chiamava 'u picciottu –. O Re 'un ci piacia, picchi cci paria un cretinu; accussi fici accattari 'nna vutti e cci fici mettiri qualche cosa pi manciari, e li misi tutti tri rintra 'a vutti e li jtau a mari.

'A Rigginotta cc' addumannau a Giosué si la vutti putia addivintari 'nna varca, e iddu cc' arrispunnu chi si putia fari. Bastava chi iddu lu ricia, e cc' addivintava. Accussi la trasfurmau prima 'nna 'na navì e poi nnon beddu villinu e iddu si trasfurmau nnon beddu picciottu.

Un jornu, duranti 'nna battuta di caccia, 'u Re e tutti 'i so' servi si përsiru e, arrivata la sira, avianu bisognu dd' un alloggiu. Accussi, capitau chi passaru vicinu o villinu e cci addumannaru ospitalità. La Rigginotta avia ricanusciutu 'u patri, e lu 'nvitau a manciari; cci ficiu visitari 'u jardinu dunneddu cc'eranu tanti tavuli apparecchiati e li cammareri chi sirvianu. Cc'eranu tanti rappi ddi racina, e Giosué cci rissi on cammareri ddi pigghiari unu e ddi mèttelu 'n sacchetta ddu Re. Quannu 'u Re passau vicinu 'i rappi ddi racina, Giosué rissi chi nni mancava una, e addumannau cu' si l'avia pigghiato. Tutti ricianu chi 'un ni sapianu nenti. Allura Giosué cci fici ajsari a tutti 'i vrazza, e taliau rintra 'i sacchetti; arrivatu a la sacchetta ddu Re, attruvau 'a rappa ddi racina. 'U Re 'un capia comu putia essiri 'sta cosa. 'A sira, manciaru cu li pusati dd'argentu, e cci nni mìsiru 'nna pocu ammuucciuni nne' sacchetti ddu Re. A ura ddi sparicchiari, mancavanu pusati, e Giosué arrisciriu a tutti e attruvau i pusati 'n zacchetta ddu Re. Puru

'sta vota 'u Re ricìa chi 'un sapìa nenti e chi era 'nnuccenti. Allura la Rigginotta cci rissi: «Tu sì 'nnuccenti e jò puru». E accussì 'a Rigginotta e Giosué camparu pi sempì filici e cuntenti, cu tutti i so' parenti.



Fontana del baglio di Mafi Soprano